


DIJOONDI DIN NYÁNNÍ YILPUEE



DIJOONDI DIN NYÁNNÍ YILPUEE

“DIJOONDI DIN NYÁNNÍ YILPUEE”: Ti lēē Unimbɔti takaldau poon ajan aba nì an bɔyiliŋi kí tīi-ni. M nyí m-pɔbilin yii Unimbɔti takaldau u-ba dí dàá bóbití-ni tibɔti gbanti mmɔntiimin.

Unimbɔti ɔti nyánní “yilpu ní” ní ki cāabìŋ dijoondi tiŋman pu yal ki tīi bin ní deedee kùŋm nì deedee nyinnyooŋu cááyee. Unil yaa kpántì u-ba ki fá ikpiti, ní ki yíiŋ ti-Dindaan Yeesu Kriisitoo dāaŋ kí kó u-pɔbilin ní ki lafun fōō ki kíí tiŋman pu yii u sá u-fiiliuee, ní ú tīi-u u-pɔɔpindi nì u-gbansɔŋfiŋu. U nín ŋá min ki tīi man doooo abin 1937 ki dāa sāā dínee dee, ki yōòŋ nyunti gbantee tiba kaa yākatì man nì m-Dindaan kansikin kpáb. M mèé-si yii a yaa kaa láa fōō-U ki kííyee, á sɔnti a-ba taapu kí fōō-U kí kíí KŌŋ KONNEE Ú nín sá a-Dindaan kí nín sá a-fiiliu.

Ama Unimbɔti dākà-ti u nín néén-ti min bulfee di sá yii, nyunti nun ti dáá sá binikpitibee, Kriisitoo kpû ti-pu. –Room 5.8

Kutaa ń wúntí jínjaal un Juuda yab jìn ki téetí Unimbɔti nín nìn nyántì bi-naanjab Eejipitee Yeesu nìn nyí yii nyunti nun u dàá yíkì kitiŋ nee pu kí gítí u-Baa ceeyee bāān. U nìn néén u-yab bin bí duulnyan dooyee, ki gítí néén-bi ki lákatì ali ki tin kátì-ku.
–Jaan 13.1

Dineenkpaaandi diba kaa ti bí kí bà unil ń dū u-maŋfal kí kúntí u-bɔɔbi pu.
–Jaan 15.13

...Unimbɔti un bí, ki nìn péē bí dooooyee ki dàá dāá dāānee ń ńá-ni tiŋan kí tīi-ni ńgbansɔŋfi nì ńfām miluli min bí u-beejaal nimiinee, nì Yeesu Kriisitoo un sòòn ibaamɔn, ki sá Ujipɔŋkpil, ki sá upeepeekaa un Unimbɔti fikitì ditankpiilinee, ki sá duulnya bɔtiibi kpiliuee pu....
–Dileedakal 1.4, 5

Kun puee Unimbɔti néén kitiŋ pu nib kɔkɔ tikpil, mìn pu ní u dū u-Jipɔmbaabil ki tīi, an nín dàá ńá pu un sá kamaa yaa fōō-u ki kíiyee ń taa kpú, ama ú ká mmaŋfafɔkɔn nun kaa cáá dikuntilee.
–Jaan 3.16

TINIMBOTIIL TIN YEESU KRIISITOO CÁÁYEE

Tinman, dinimbótinool bōti tin nín bí dibalin Unimbōti nyántì ki dākā-tee sá tiwan̄kpaandi ní! Yeesu kpántì unil ní ki dómiń ti-cee, Unimbōti Fām dākā yii u sá deedeedaan, Unimbōti tūuni ká-u. Bi sòon̄ u-pu atimbun kəkən, kitin̄ pu nib fōō-u ki kii ní Unimbōti yōon̄-u ki jóm̄ yilputinyool lan̄ki.

—Tiimootee 1 3.16

Tin bí nee kəkə bāań ki ŋá kii ti-Dindaan nín yāntì u bōnaatiliu sòon̄ min̄yee ní yii: “Usap̄on̄ un kaa nyí unin̄jee dàá cáá dipool kí màal kibinin̄jabiki, bi dàá pō-kì diyindi yii Eeman̄uyeel.” (Eeman̄uyeel taapu di sá yii: Unimbōti bí ti-cee). —Maatiu 1.22, 23

“Man nì m-Baa Unimbōti ti sá ubaanti ní.”

—Jaan 10.30

Ní Yeesu kii-u yii: “Fiiliipi, m nín bí ni-cee an yúntì pu nee, ní saa nyí-maaan? Un yaa ká-mee, ká m-Baa mun dee. Kin ba pu ní sii giti lì yii m̄ dākà-ni m-Baa? Aa nyí yii man bí m-Baa ni, ní m-Baa mun bí man naaan? Tibōti tin m sòon̄ nì nee, maa sòon̄-tì m-ba pu, an sá m-Baa un bí m-nee di tūn̄ u-tundi.”

—Jaan 14.9, 10

Sii un di yaa lì nì ibaamɔn yii Yeesu sá Unimbɔti Jipɔɔnee, Unimbɔti bí a-ni ní si mun bí Unimbɔtin. —Jaan 1 4.15

Ní ntūunee kíí-u yii: “Unimbɔti Fām di dàá kpákatiń a-pu, ní yilpu fɔŋŋŋ Nimbɔtiu pɔŋŋu ń biĩń a-pu kii mboonee. An pu ní circir biki kin a dàá màalee bi dāa yī-kì Unimbɔti Jipɔɔn.” —Luuki 1.35

Ní bi nìn bī kūuntí yii: “Unimbɔti Jipɔɔn, a nyàab-ti nì tilati poon ní? Ibɔsoon yuntiŋu kaa láá bāań ní a dómiń doo kí sàań-taaa?” —Maatiu 8.29

U bī sòòn mimmee, ní ditagbandi diba dómiń ki biĩn bi-pu ki jìl pàlpal, ní bi gbìl Unimbɔti sòòńí ditagbandee ni yii: “Un bí nee di sá man Jipɔɔn un m néen tiŋanee, u-pu ní m-pɔbil sòm. Ní pīlfìmaan-u.” —Maatiu 17.5

...U dāa ká-uee ní ki bí-u yii: “A fōō Kinibiki ki kíiii?” Ní u kíí-u yii: “Ukpil, ún di sá ŋma ní, m fōō-u kí kíí ní?” Ní Yeesu bí yii: [Unimbɔti Jipɔɔn gbantee] “A wāl-uaa! Ún di bī sòòn nì si nee.” Ní u bí yii: “M-Dindaan, m fōō-si ki kíí,” ní ki lítì Yeesu nimiin ki jáam-u. —Jaan 9.35-38

4 YEESU TÙKÙ-TI UN NÍ U SÉE

Ní Yeesu kíí-bi yii: “Nimbi sá taapu doo yab ní, man nyánní yilpu ní. Ni sá duulnya yab ní, man kaa sá duulnya you.” Ní Yeesu kíí-bi yii: “Ibaamɔn, ibaamɔn, man péē bí ní bi nín màl Abraam!” –Jaan 8.23 nì 58

Ní Yeesu bí-bi yii: “Man di sá tijin tin tìi dimaɲfalee. Un yaa dómiń m-ceeyee, ɲkùm kaa ti cútí udaan jaanjaan; mìn ní un yaa tí fōō-mi ki kííyee, nnyinnyoo kaa ti cútí udaan jaanjaan. –Jaan 6.35

M nín dáá bí duulnyan doo nee, man di sá ɲwalfi ki tīi duulnya.” –Jaan 9.5

Mìn puee ní Yeesu gítì lī yii: “Ibaamɔn, ibaamɔn ní m sòòn nì nì, man di sá kupikpuńkpuńu punyɔkɔki. –Jaan 10.7

Ní Yeesu kíí-u yii: “Man di fìkitì, man di sá dimaɲfal. Sii un fōō-m ki kííyee, báà a yaa kpùì gba a dàá nín cáá dimaɲfal.” –Jaan 11.25

Ní Yeesu kíí-u yii: “Man di sá nsan, ki sá ibaamɔn ki sá dimaɲfal. Ubo kaa ɲùn kí di laaaba kí dāañ m-Baa Unimbɔti cee, see ú dīn man pu.” –Jaan 14.6

YEESU NÍN NÌN ÌÁ MAAMAACIB 5 BINYEE BIBA

Niinee, ní u bí yii samaa kòkò ñ kàl kumòsòṅu pu, ní u fòò kpònòb biṅmoo nì ijòm ilee ní ki wáàn kutaa, ki jáàm Unimbòti, ní ki gífì gífì kpònòbee ki dūu tīi u-boonnooliibi, ní bìn dūu yākatì binib kòkò. Ní bi-kòkò jín ki díkí, an kíñ, ní bi kóòn akpònòkati nì ajòṅgin ṅin kínee ki gbéèñ tikabiti saalaa nì tili. Bininjab bin nìn jín tijin gbantee nìn bàñ kii binib kutukub biṅmoo, baa kàaṅ binimpoobi nì mbiyaamu.

—Maatiu 14.19-21

Ní Siimòn bí yii: “Ukpil, ti dū kunyamòṅu ní ki tó tilaandi, kaa cúú báà tiba, ama, a-nyòòbundi puee, m dàá tō kulaanṅu.” Ní bi dūu tó, ní ki cúú ijòm tikpil, ali bi-laanti bíi tìfi.

—Luuki 5.5, 6

Ní bijòfub bili nìn kà nsan caṅin, bi gbìl Yeesu bíi jítí bi-cee niinee, ní bi bíi tátí yii: “Ukpil, Dadfiidi naantiiu, sō ti-saai!” Niinee ní Yeesu...bālfì-bi yii: “Ba ní ni là m ñá kí tīi-ni ní?” Ní bi kíí-u yii: “Ukpil, ṅúbití ti-nimiliṅ.” Ní Yeesu sún bi-saai ní ki gbēē bi-nimiliṅ, kpalaá niinee ní bi wál, ki kíñ ki nóó-u.

—Maatiu 20.30 nì 32-34

6 YEESU KRIISITOO SÁ UNAANLI NÍ KI SÁ TI-DINDAAN

...Unimbɔti un dī Yeesu Kriisitoo pu ki náán tikɔkɔee. –Efeesi 3.9

Di sá yii tiwan tin kɔkɔ bí yilpuee, nì tin bí taapuee, tin bi wālee nì tin baa wālee, an yaa sá itūun in jīn abeeyee nì in sá bikpilibeeyeeeee an yaa tí sá in cáá mponeeyeeeee, Unimbɔti nìn dī u-Jipɔonee pu ní ki náán tìn kɔkɔ, u-Jipɔonee di náán tikɔkɔ ki yì an kɔkɔ mun. –Kooloosi 1:16

Dín ní Unimbɔti dū ki náán tikɔkɔ. Tiba kaa bí fam Unimbɔti kaa dū Dinyɔɔbundee ki náán kudɔŋu. –Jaan 1.3

...Unimbɔti nìn dī u-bɔnaatiliibi pu nì nsambiyaamu tikpil pu ki sòon nì ti-naanjab ŋfunyɔm tikpil.... Iyunti in sá ijoolkaa nee poonee, u dī u-Jipɔon pu ní ki sòon nì ti. Unimbɔti dī u-Jipɔon gbanti pu ní ki náán duulnya nì tin kɔkɔ bí duulnyanee. Ûn ní Unimbɔti lēē ní ki dū tikɔkɔ ki ɣá u-ɣaan.

–Eebru 1.1, 2

“Israyeel maaliŋu kɔkɔ, béémaan nì ibaamon poon yii, Yeesu un nì kpáá ndɔpuntikaa puee, Unimbɔti dū-u ki ɣá ti-Dindaan ki lēē yii ú nìn sá Kriisitoo.”

–Atuun 2.36

YEESU KRIISITOO DI SÁ BINIB KOKO BOSOONLIU

7

**Kin ba pu ní sii sòòn ki bííl a-nabiki?
Ní si mun, ba pu ní a kpèé a-nabiki fam?
Ti-koko dàá dāá cù Unimboti nimiin
ibosoon. –Room 14.10**

**Unimboti nì Yeesu Kriisitoo un dàá
sòòn bin wālee nì bitaṅkpiibi botee, nì
u-dāantam nì u-beel puee, á sòòn
Unimboti bōti.... –Tiimootee 2 4.1, 2**

**“Man Kinibiki yaa láā dómin kii ubotee nì
Unimboti tūuni kōkōee, m dàá dāá kāl
m-beejaal pu nì tinyool, ní duulnya
timbuling kōkō dāa kpáfí m-nimiin ní m
gànti-bi kii uwaṅkpaal nín gànti ipii nì
iṅoobu puee.” –Maatiu 25.31, 32**

**Ḳwiin ṅun Unimboti dàá yànti Yeesu
Kriisitoo n bīiti nnibiyaamu tuuṅṅi ṅin bí
dibalinee pu kí sòònee, tin tin báà ṅma
dàá dāá kée dee, kii tibomontiil tin man
Pōol sòònee nín lì puee. –Room 2.16**

**Ní u bí-ti yii tí nín sòòn u-pu samaa cee,
kí dàkà-bi yii ún Yeesu baba ní Unimboti
lēē u-bosoonliu, ú sòòn bin wālee nì bin
kpūyee bōti. –Atuun 10.42**

8 YEESSU KRIISITOO BABA DI ŊŪN KÍ DĀ UNIL KÍ FĪI-U KÍ LĪI

Ní Yeesu kí-u yii: “Man di sá nsan, ki sá ibaamɔn, ki sá dimaɲfal. Ubo kaa ŋŭn kí dī laaaba kí dāañ m-Baa Unimbɔti cee, see ú dīn man pu.”

—Jaan 14.6

“An pu ní m tükū-ni yii ni dàá kpú ni-kpitii poon. Ni yaa kaa fōō ki kíí yii ‘man di sá un m sée’ ni dàá kpú ni-kpitii poon.”

—Jaan 8.24

An pu ní u sá uniɲman umɔnti un pu baa kántí tikpitil tibee, ki kpánti un tìi difiil din kaa cáá dikuntilee bin kɔkɔ tó-uee.

—Eebru 5.9

Kun puee báà ŋma ŋá ikpiti ki dátìn Unimbɔti nyooti. Unimbɔti ŋáañ-ti tiɲan ki yànti ti kpántí deedee nib u-nimiin faalaa, Yeesu Kriisitoo nín dū u-ba ki fīi-ti ki līyee pu.

—Room 3.23, 24

Baa ŋŭn kí dī ubo pu kí ká difiil see Yeesu baba pu, kun puee taapu doo Unimbɔti kaa ti tīi ufiil ubo un pu timbi binib máañ kí dī kí ká difiilee, see Yeesu pu.”

—Atuun 4.12

YEESU KRIISTOO BABA DI 9 ŋŪN KÍ DĀ UNIL KÍ FĪ-U KÍ LĪ

Di sá yii ún Unimbɔti di yāntì ní ni nì Yeesu Kriisitoo ɲá ubaanti. U yāntì Yeesu kpántì timbi ciɲɲu. Kriisitoo pu ní ti kpántì deedeedambi Unimbɔti nimiin ki bí circir, u fōō-ti ki lī. —Koranti 1 1.30

Ún di dū u-ba ki tī ki dá-ti ki nyántì ikpiti kəkə poon, ní ki dū-ti ki kpántì dinikitil din sá ún baba yal, ki bí circir, ki cáá difangiil, ki ɲaań atummɔntee.

—Tiiti 2.14

Ní nín jáam ti-Baa Unimbɔti dipɔɔpindi poon u nín yāntì ní dāá ɲmā kí ká tin u sīn kí tī u-yab u-dumpu, ɲwalfi lankee. Di sá yii u nyántì-ti dibɔmbɔndi pɔɲɲun ki cáan-ti u-Jipɔnneneɲkaau beel poon. U-Jipɔnee di yāntì Unimbɔti fī-ti ki lī, ki dū ti-kpitii ki pú-ti. —Kooloosi 1.12-14

“Di sá yii man Kinibiki dómin kí nyàab kí fī bin nín wánkèe ní.” —Luuki 19.10

Ní bi bí ki gà nlampɔɔn ki nyónkí-u yii: “A máan kí fōo takaldee kí búti tiwampiɲkaal tin bi dūu bóóbee. Kun puee bi kūū-si ní a-fatikuu dá anibul kəkə nì isoon kəkə nib, nì atimbun kəkə nib nì ntimu kəkə nib ki tī Unimbɔti. —Dileedakal 5.9

10 YEESU KRIISITOO FATIKUU DI FÍNTÍ TI-KPITII

Kun puee, Yeesu Kriisitoo kúm pu ní u fíi-ti ki líi, ní ki dū ti-kpitii ki pú-ti; u ɲá mín kí dàkà-ti u-neendi nín wiikí min bulfee.
—Efeesi 1.7

An di sá m-fatikuu un nyán ki cáán mpèé Unimbɔti nì binib tikpil kansikin bí ká bi-kpitii pōtamee.
—Maatiu 26.28

Nimbi ni-ba nyí Unimbɔti nín dī min ki nyántì-ni ni-naanjab sani in ni nìn nóó fam tiba kpá poonee. An kaa sá tiwan tin bíil kii animilee àá kii sindaariyee ní u dū ki nyántì-ni. Ama an sá nì Kriisitoo fatikuu un jítiñ tikɔkɔ nì tikɔkɔee ní u dū ki nyántì-ni. Kriisitoo di sá kii dipibimontiil din pu baa kántí tikpitil tiba nì tibee.
—Pieyeer 1 1.18, 19

Ama ti yaa dī ɲwalfi sanɲu kii Unimbɔti u-ba nín sá ɲwalfi puee, niinee ní ti nì ti-nabiyaamu ɲáán ubaanti, ní u-Jipɔɔn Yeesu fatikuu fíntí ti-pɔbiling circir ki lèekí ti-kpitii kɔkɔ.
—Jaan 1 1.7

...Ti-Dindaan Yeesu Kriisitoo yāntì ti nì Unimbɔti kansikin ɲánkèe, ní ti bí ki fàal Unimbɔti pu.
—Room 5.11

TI NÍN FŌŌ KRIISITOO KI 11

KÍÍ PUEE NÍ U YĀNTÌ TI KÁ DIFIIL

Di sá yii Unimbɔti ɲanti pu nì ní nín fōō Kriisitoo ki kííyee pu ní ní ká difiil. Difiil gbantee, naa ɲá tiba ní ki ká-dì, u pú-ni-dì faalaa ní. An kaa tí sá ditundi pu, ní ubo ń nín cáā gà u-bindi. —Efeesi 2.8, 9

Mimmee, ti ká yii ti nín fōō-u ki kííyee pu ní ti kpántì deedeedambi Unimbɔti nimiin, ní ti nì Unimbɔti kansikin ɲáŋkì ti-Dindaan Yeesu Kriisitoo pu. —Room 5.1

...“Fōō ti-Dindaan Yeesu kí kíí, a dàá ká difiil....” —Atuun 16.31

Kun puee un sá kamaa ní Unimbɔti fātii màl mpɔmee ɲùn kí já kí jìn duulnya. Kun pu ní a ɲùn kí já kí jì duulnyee di sá fookii un a cáá Yeesu puee. —Jaan 1 5.4

Niinee ní bi bālfì-u yii: “Ti máan kí ɲá mana ní án nín sá min Unimbɔti lèe ní?” Ní Yeesu kíí-bi yii: “Unimbɔti nín là minyee di sá ní fōō man un u túnnee kí kíí.” —Jaan 6.28, 29

Bi yaa ɲmān tin bí neeyee, an sá ní fōō kí kíí yii Yeesu sá Unimbɔti Jipɔɔn ki sá Kriisitoo. Ni yaa fōō-u ki kíí mimmee, ní ká dimaɲfal u-yindi pu. —Jaan 20.31

Tí nyōṅkìmaan Unimbōti ti-Dindaan Yeesu Kriisitoo Baa un di sūn ti-saai ki ṇmēentí-ti tikōkō poonee. –Koranti 2 1.3

Di sá yii man Kinibiki dómin kí fīi bin nín wónkèe ní. “Ni dàkafi yii ba? Unil yaa cáá ipii dilaataal, ní ubo wánkì i-kansikinee waa yànti ubo kpá dilaataal in kínee ajoon pu kupikpaaun kí cùú nyàabìn ubo un wánkèeee? M tükù-ni yii, u yaa tin ká-uee, u-bōti móókín-u kí jītín ubo kpá dilaataal in kaa wánkèe bōti. Mìn mbaantiim ní ni-Baa un bí yilpuee kaa là mbiyaamu nee kansikin báà kiba n wánkì.”
–Maatiu 18.11-14

Mìn puee, kámaan kunyannyaau kí sūtín kí pīlmaan Unimbōti beejal nì dimákal, niin ní u-ṇanti bí. Niin ní ti dàá ká disaasol nì tījan tin dàá tūtun-ti nyunti ṇun an máaṇee.
–Eebru 4.16

Unimbōti fīi-ti, kaa sá yii ti ṇá atunnyaan aba, an sá isaa ní u sún ti-pu. Bi nín fùul-ti Unimbōti nyim puee di dàkà min u-Fām fātì ki màl-ti mpom ki tīi-ti dimanṇapōndi diṇyee.
–Tiiti 3.5

UNIMBOTI YÎ-TI YII TÍ DĀĀÑ U-CEE

13

Unimbōti Fām nì Unimpucan bí yii:
“Dāāñ!” Bin mun gbìl an bōtee nì lè yii:
“Dāāñ!” Un nnyinnyoo yaa cááyee nì dāāñ
kí fōo nnyim min tìi dimanjalee faalaa.
—Dileedakal 22.17

Ŋwiin nūn jijaal kúntée bōti di nìn páb.
Ŋwiin gbanti ní Yeesu nìn yúl samaa
kansikin ki téen yii: “Un ní nnyinnyoo
yaa cááyee nì dāāñ m-cee kí nyò!” —Jaan 7.37

Yeesu ká mimmee, ní an kaa móokì-n-u,
ní u bí-bi yii: “Yàntimaan mbiyaamu nì
dāāñ m-cee kí taa pìimmaan-mu nsan, kun
puee Unimbōti beel sá ki tīi bin náan nì
muee ní.”
—Maarki 10.14

“Nimbi bin tú awangul ki gīiyee,
dāāmmaan man-cee m̄ túutí-ni ní nūñfī.”
—Maatiu 11.28

Njimee yuntiŋu bāānee, ní u tú u-tòntòntliu
yii ú cùú tükù bin u yíinee yii: ‘Dāāmmaan,
an kòkò bòntì.’
—Luuki 14.17

An puee Kriisitoo nyòkòpu ní ti dàá sòònee
ali kii Unimbōti u-ba di dī timbi pu ki yī-
nee. Ti dū Kriisito ki gbāam-ni, ní kīí kí
yànti nì nì Unimbōti nì kpīikì.
—Koranti 2 5.20

14 AN KAA SÁ BINIB KOKO DI SÁ UNIMBŌTI BIYAAMU

**Kun gânti Unimbŏti biyaamu nì Sitaan
yomuee di sá, sii un yaa kaa nóó deedeeyee
nì sii un yaa kaa là a-nabikee kaa sá
Unimbŏti you.** **—Jaan 1 3.10**

**Di sá yii bin kəkəwoooo Unimbŏti Fām
kpòotēe sá Unimbŏti biyaamu ní. Mimmee,
naa ti máàn kí nín gbíntìi fàṅkí kii
iyumbuee, kun puee ni fōō Unimbŏti Fām
min yāntì Unimbŏti fōō-ti ti yīi-u yii
ti-Baayee.** **—Room 8.14, 15**

**An pu ní Unimbŏti lī u-nikitil yii: “Ní nyā
binib nee kansikin kí gāntīmaan ni-ba, kí
taa gbēē tin sá tijəkəndee, ní man n nín
fōō-ni, kí nín kìn ki sá ni-Baa, ní ni mun n
nín kìn ki sá man jipombi nì m-bisalib.
Ti-Dindaan ipən kəkə daan di lī mín.”**
—Koranti 2 6.17, 18

**Ama bin kəkə fōō-u ki gbīl ki tīiñ-uee, u
yāntì bidambi kpántì Unimbŏti biyaamu,
mun ní unil kaa mālēe kaa tí sá unil làtam
ama an sá Unimbŏti di māl bīn.**

—Jaan 1.12

UNIMBOTI NÍN SÒÒN 15

NDAAM MIN PŌŌYEE BOTI PUEE

An kaa pōō á bée mbimbikpitim nín tūn atuun ŋinyee: mìn di sá tilaakpaal, tijokondi, bimaramontiibi fátam, diwaatootil, dinyoɔjil, kinán, kujaau, kudòŋu: diŋuul, ikummunti, diyakatil, digàntil, nnimidiki, ndanyoon, mpoo nì tin kòkò náán nì tiboti neeyee. Kii m nín nìn tükū-ni puee, m tí bīi kpáafí-ni yīi bin ḡáán an boti gbantee kaa dāa kóò Unimboti beelin.

—Gaalaati 5.19-21

Tí còommaan min kítèe kii bi nín còom ḡwīín pu puee, kí taa jī kí lákatí ti-ba pu, kí taa gbí ndaam, kí taa ḡá tilaakpaal, kí taa ḡá tijokondi, kí taa nīn jáà, kí taa nīn cáá tob pu kudòŋu. Ní dūmaan ti-Dindaan Yeesu Kriisitoo bimbim kí pèēn kii tijanjawanee, kí taa fàtīi tō ni-bimbikpitim kí ḡá mī nín là puee. —Room 13.13, 14

“Ní nín nyímmaan nì ni-ba kí taa yànti ḡjinjim nì ndanyoon nì duulnya landòkòí ḡ jī mpaan ni-pòbiling poon. An yaa sá fam, Unimboti bosooni wiingnu gbanti dàá dāá túun-ni.” —Luuki 21.34

16 Á NĪN CĀÁ IBAAMONEE BABA KAA ņMĀNTÌ

Ní Yeesu kíí-u yíi: “‘Á nīn nēén a-Dindaan a-nimbōtiu nì a-pōbil kōkō, nì a-fām kōkō, nì a-landōkōŋu kōkō.’ Mara un sá ukpaan ki līyee dee.”
—Maatiu 22.37, 38

...“Ukpimōnti! M dàá ńá mana ní kí ká dimańfal din kaa cáá dikuntilee?” Ní Yeesu fātìi kíí-u yíi: “Ba pu ní a yīi-mi yíi umōnti? Unil báà ubō kaa bí ki sá umōnti, see Unimbōti baba. Sii a-ba nyí Unimbōti marab, an lī yíi: ‘Á taa kpò unil, á taa ńá tilaakpaal, á taa yò, á taa lēē nnyimōn seerau, á taa ņmātìñ ubō, á nīn tó a-baa nì a-na.’” Ní uninjee fātìi kíí-u yíi: “Ukpil, doooo m-naacimpōntin ní m péē ńúb an marab.” Niinee, Yeesu kpēē-u dímmm, ní uninjee bōti fáatì-u, ní u lī-u yíi: “Kuwambaantiiu di kíñ-si á ńá. Níñ cá kí nyāfì tin kōkō a cááyee, kí dū animil kí yàkati bifalaadambi, ní kí tin ká tigaajati Unimbōti cee. A yaa ńá mìn ki dóòyee, á dāāñ kí nīn nōó-mi.” Kijapaayee gbìl an nyōbunjee, u-nimiin cúū bíil, ní u búntì nì kunimbaau, kun puee u nīn cáá tigaajawan tikpil.
—Maarki 10.17-22

Taa nín kíílmaan ni-ba: baa gbíilín Unimbóti. Di sá yii kun unil yaa búlee, kún ní u dāa cēē. —Gaalaati 6.7

M-biyaamu, ní taa yànti ubó ń ḡmàtìh-ni ní wāṅkì: un yaa ḡáań min bí deedeeyee sá deedeedaan, kii ti-Dindaan u-ba nín bí deedee puee, ama un yaa ḡáań ikpitee sá Sitaan you, kun puee Sitaan péē sá ikpitidaan ní, doooo ḡkilkaamin.... —Jaan 1 3.7, 8

Ní taa yànti báà ubó ń dū tibofan kí ḡmàtìh-ni. An tunkpitiṅ pu ní Unimbóti dàá dāá fōo diquul bin kaa tó-uee pu. —Efeesi 5.6

Nín ḡaammaan dinyoobundee nín bí yii ní ḡa miṅyee. Sii un yaa pílfí, Unimbóti bōti, kaa ḡáań tì nín lī puee, kííl a-ba ní. —Jaaki 1.22

Ubó yaa dākafì yii u bí tiban ní kaa bée, udaan kííl u-ba ní. —Gaalaati 6.3

Kun puee binib tikpil dàá dāá dū man yindi kí kpántí bi-yaṅ kí lì yii bín di sá ‘Kriisitoo’ ní ki dàá dāá kííl binib tikpil. —Maatiu 24.5

18 IKPITI CÁN ÆKÚMIN NÍ

Unibaanti Adam pu ní ikpiti dī ki kónnī duulnyan, ní ikpītee cáán ñkúm, ní báà ñma kúù, kun puee báà ñma ñá ikpiti.

—Room 5.12

Nnimitaataam yaa kó-see, ní mí màal ikpiti, ní ikpiti yaa wííñee ní í cáán ñkúm.

—Jaaki 1.15

Mbimbikpitim nín là tiwan tīnyee di cāabín ñkúm. Unimbōti Fām nín là kun kunyee di cāabín mmanɣafɔkɔn nì ñgbansɔŋfi. Bin nóó bi-bimbikpitim nín là puee sá Unimbōti nannanliibi, kaa sīntīn bi-ba ki tì Unimbōti marab, kaa péē ñūn gba.

—Room 8.6, 7

Tipaal tin ikpiti pēe di sá ñkúm....

—Room 6:23

“Ama an yaa kīn bifaantidambee nì bin kaa yú nì Unimbōti deedeeyee, nì bijɔkɔndambee, nì binikpɔliibee, nì bin ñáán tilaakpaalee, nì bikpaŋkpantiibee nì biwaatootiliibee nì binyimɔndambee kɔkɔee bín laŋki di sá farwata ñmibookun, niin di sá ñkúnlilitiimee.”

—Dileedafdtkal 21.8

Ti yaa làá kpèè u-Fām mín sá circiree jandi puee, Unimboti nín fikitì-u ditankpiilinee, u dàkā yii u sá u-Jipɔɔn mpɔndaan.

-Room 1.4

U li mín ki dóòyee, ní ki téen mpɔn yii: “Laasaar, nyānní!” Ní utankpiil nyānní, u-taani nì u-ŋalii fiñ iŋaabu, ní ŋubɔ mun bīi u-nimiin. Ní Yeesu bí yii: “Cúú fɛntimaan-u kí yànti ú nín cá!”

-Jaan 11.43, 44

“Kun pu m-Baa néeŋ-mee di sá m tìi m-manfal ní kí fàtìi fōō-dì. Uɔ kaa ŋūn kí tìl man manfal, see man m-ba di là ní kí dū-dì kí tìi. M ŋūn kí dū-dì kí tìi, ki ŋūn kí fàtìi fōō-dì mun. M-Baa nín bí m ná mɛyee dee.”

-Jaan 10.17, 18

Ní ki sùtìŋ ki dāatì u-ŋal ki gbēē nlún dɔŋu, ní bin tú utankpiilee sɪl. Ní Yeesu bí yii: “Unaacimpɔɔn, m pú-si kinyɔkɔ yii á yìkì!” Ní utankpiilee fikitì ní ki yáatìi kāl ní ki bīi sòòh....

-Luuki 7.14, 15

Man di sá un bí dimanfalinee; m nín kpūi, ama kɔŋkɔnnée m kìn ki bí dimanfalin kí nín cá jaanjaan; man di ŋúb ŋkúm nì ditankpiil pɔŋu.

-Dileedakal 1.18

“Ukpil, marab kɔkɔ kansikinee, ulou di sá ukpaan ní?” Ní Yeesu kíf-u yii: “‘Á nín néén a-Dindaan a-Nimbɔtiu nì a-pɔbil kɔkɔ, nì a-fām kɔkɔ, nì a-landɔkɔŋu kɔkɔ.’ Mara un sá ukpaan ki līyee dee. Ní maraliliiti un páb kíf upeepeekaayee sèé: ‘Á nín néén a-juti kii sisi a-bee.’ Marab bili nee pu ní Mooisi marab nì Unimbɔti bɔnaatiliibi dàkatam kɔkɔ tókó.”

—Maatiu 22.36-40

...“Mara un sá ukpaanee di sá un lì yii:...‘Ti-Dindaan Unimbɔti sá ubaanti ní. Ni máan kí nín néén ni-Dindaan ni-Nimbɔtiu nì ni-pɔbiliŋ kɔkɔ nì ni-fām kɔkɔ nì ni-landɔkɔŋu kɔkɔ nì ni-pɔŋŋu mun kɔkɔ.’ Maraliliiti di sá yii: ‘Á nín néén a-juti kii a nín néén a-ba puee.’ Mara ubɔ kaa ti bí ki jítiñ bin bí nee.”

—Maarki 12:29-31

M tīi-ni marapɔɔn ubɔ: nīñ néemmaan tɔb. Kii man nín néén nimbi puee, ni mun nīñ néemmaan tɔb mín. —Jaan 13.34

AA NŪN KÍ BÁL A-BA 21

UNIMBOTI N TAA KÁ-SI

Tiwannaan̄kaal tiba kaa bí Unimbōti kaa wāl-tì, tin kòkò péē bí duulnyanee dō mpaampiin pu ní ùn cee, u-nimiin ní ti dàá dāá sòòn ti-nyòkòpu yai. –Eebru 4.13

Tin kòkò bí dibalin binib kaa wālee dàá dāá biiti, ní tin kòkò bí dibalin binib kaa nyée dàá dāá nyā mpaampiin pu bí béé.

–Luuki 8.17

“Ùn di sá Unimbōti un náan̄ duulnya nì tin kòkòwoooo péē bée, ki sá yilpu nì taapu Dindaan. Waa kòò adiin ñin binib cáá bi-ñalii ki māāyee nì, kaa nyàab̄ binib tūtuntam báà an yaa péē sá tintee. An kaa sá ùn di tìi báà ñma dimañfal nì ñfām nì tikòkòò? Ùn di dī unibaanti pu ki nyánti anibul ki gbéen̄ kitiñ kòkò pu, ki síin̄ atimbun kòkò nì ñi-kòñkooni nyòkòm. U ñá mín̄ ki là yii bin̄ yaa táfí ki nyàab̄ ùn Unimbōtee yaa táá ñmā kí ká-u. Ama Unimbōti gbanti kaa dátin̄-ti, kun puee ‘Ùn pu ní ti fòotì ki pōō ní ki bí.’ Kii ni-lañgaaliibi biba nín̄ gāā puee, yii: ‘Ti mun péē sá u-biyaamu ní.’”

–Atuun 17.24-28

22 IKPITIDAMBI TAFADAALDI KAA CÁÁ DIKUNTIL

Man Kinibiki dàá dāá tṓn m-tūuni ní í dāá lēē m-beelin bin kòkò sá nsugimu bi-jutiibi gbéetí kí lítée nì bin ńáán ikpítee, ní kí dū-bi kí tō kípaaí ńmínun, ńun nì bí dàá nín ká kí sū̀n, bi-nyíńńi gá tób kàkakee. –Maatiu 13.41, 42

Unimbóti di tí lí yíi yilpu nì taapu un bí nee dō kí cí ńmí n dāá wò dalińkin u dàá dāá sòòn binikpitib bóti kí kúntí-bee. –Piyeer 2 3.7

Bi-tafadaaldi di dāa sá bí nàán-bi kí nín cá jaanjaan bí taa nín dàbìń ti-Dindaan nì u-nyooti nì u-pọ́ńńu. –Teesaalooniiki 2 1.9

“An yaa sá a-ńal kii a-taal di yaa làá yànti á ńá ikpítee, gùutíí fá kí wàatí a-ba! Á kó mmanńafòkòn nì nì ditaagindi kii dińańgindi só nì a-ńalii liitil nì a-taąńi liitil n nín bí, bí cáá-si kí tō ńmí ńun kaa kúù jaanjaanee nì.” –Maatiu 18.8

“Ní bí dāá dū-bi kí tō ditafadaaldi din kaa cáá dikuntilee nì, ní bin yúl nì Unimbóti deedeeyee n nín cá dimanńfal din kaa cáá dikuntilee nì.” –Maatiu 25.46

“Di sá yii u yóon ṅwiin ṅubo ṅun ní u dàá yàntí Yeesu n sòn duulnya kòkò boti nì ibaamonee, kun puee uninja gbanti ní u fikitì bitaṅkpiibi kansikin ki dàkā-ti kudaanṅu páaa yii ún ní u lēē.”

—Atuun 17.31

Mín puee ti-Dindaan nyí u nín dì pu ki nyántí bin yú nì u deedee diniminaamandi poonee, ní ki nyí u nín dàá yóon binikpitib laakin kí dāá dāal bi-tafaliṅ ibosoon dalee.

—Piyeer 2 2.9

Kun puee an sá yii ti-kòkò n dāá kpāfì Kriisitoo nimiin ní ú sòn ti-boti ti nín kāl duulnya poon ki dū ti-yuntiṅu ki ṅá diṅyee, an yaa sá ikpitaana, an yaa tí sá tiṅanaaan, ní ú pà báà ṅma u nín máan tipaal tiṅyee.

—Koranti 2 5.10

Kun di dàkà yii a néeñ-u tiṅmanee di sá, daliṅkin Yeesu dàá dāá sòn binib botee, sii dāa cáá dimákal u-nimiin ní, kun puee a-bimbim min a bí duulnya nee nee nì u-yam náan.

—Jaan 1 4.17

An péē sá yii báà ṅma n kpú diba ja ní, ní ṅkúm boonee Unimboti n sòn báà ṅma boti.

—Eebru 9.27

24 YEESU KRIISITOO NANTI

Ama Adam yìntitam nín cáán-ti tìnyee kaa pēē nì tin Unimbɔti pūn-ti faalaayee. Tìnman, binib kupaau kp̄n unibaanti Adam yìntitam pu, ama Unimbɔti nín n̄áán binib tìjan puee, ní u dū diyimɔl bulfi ki pú binib kupaau unibaanti Yeesu Kriisitoo pu.

—Room 5.15

Mimmee, an kaa nyēēn unil nín là pueeyaaa kaa nyēēn u-póòntam pu, Unimbɔti di sūn unil saai kí fīi udaan.

—Room 9.16

...“Unimbɔti kaa gètìn bilambidambi, ama ní ki n̄áán tìjan ki tìi bin sìn-tìn bi-ba taapuee.”

—Piyeer 1 5.5

Kun puee ni nyí ti-Dindaan Yeesu Kriisitoo yimɔl din u pú-tee. Ún un sá ugaajee gíin u-ba usoodaan, timbi n̄ kpántí bigaajab ún soodaŋku pu.

—Koranti 2 8.9

Nì mpɔŋkpaan ní Yeesu kpambaliŋ nìn sòon ki lèekí ti-Dindaan Yeesu fìkititam seerau, ní Unimbɔti biindi nìn bí bi-pu tikpil.

—Atuun 4.33

Ama Unimbɔti kaa dū nyunti ŋun binib kaa nìn nyí tibee ki dūu ɲá tibɔti. Mìn puee ní kɔŋkɔnnée u bīi tükù ajan kòkò nib yii bi-kòkò máań kí fá bi-kpitii.

—Atuun 17.30

Aayee, baa sá, ama, ni mun yaa kaa kpántì ni-ba, ni dàá kpú kii bí mun nín nìn kpîi puee ní!

—Luuki 13.3

“Kpántímaan ni-bimbim kun puee Unimbɔti beel sùtì ki pìlín-ni.”

—Maatiu 3.2

Ní Piyeer kíi-bi yii: “Fámaan ni-kpitii, bí fàl báà ŋma Unimbɔti nyim Yeesu Kriisitoo yindi pu, ní ní nín ká ni-kpitii pōtam, kí wàatì ní Unimbɔti ń nín pō-ni u-Fām.” Mìn puee, fámaan ni-kpitii kí gítímaan Unimbɔti cee kí wàatì ní ú kpìti ni-kpitii kòkò.

—Atuun 2.38; 3.19

Kun puee kunimbaau kun Unimbɔti kōntí binibee cāabìn dibakpantil ní, ní unil ń ká difiil, ní kunimbaauee kaa ti páb-u. Ama kunimbaau kun kaa nyánní Unimbɔti ceeyee cāabìn ŋkúm ní.

—Koranti 2 7.10

Di sá yii ní yaa cáá tin ní-jutiibi
yíntièn-nee kí pūn-bee, ní-Baa un bí yilpuee
dàá dū tin ní mun yíntièn-uee kí pō-ni.

—Maatiu 6.14

Yeesu nín ká binib gbanti fōō kí kǐ́ yii u
ṅūn kí cáàn ubunlee, ní u tūkū ufalinfaanee
yii: “M-biki, m dū a-kpitii kí pú-si.”

—Maarki 2.5

Ún [Yeesu] pu ní ni Kpántí deededambi
Unimboti nimiin....ní ti-naanjab
Nimbōtiu fikitì-u kí kǎàn u-ṅangiil pú, ú
nín sá Ubōti nì Ufiil kí tīi Israyeel yab n
ṅmā kí fá bi-kpitii, Unimbōti n dūú pō-bi.

—Atuun 13.38; 5.30, 31

Á pǐlfì, m yú kipunyokò pu kí ṅǎǎn
gaafalaa; un yaa gbìl m-nyokò pu ní kí
pīitì-mee, m dàá kó udaan cee ní man nì u
n kpāfì kí jì.

—Dileedakal 3.20

An máàn yii ní sòòn u-pu atimbun kòkò
nib cee, kí kǐlín Jeerusaleem, yii binib n
dǎǎn kí kpántí bi-bimbim kí ká bi-kpitii
pōtam.

—Luuki 24.47

...“Man mun kaa làá ṅá-si tiba. Á nín cá
kí taa ti ṅá ikpiti.”

—Jaan 8.11

NYĀNTÍ A-BA DUULNYA 27 TUUNNIN

Unimbɔti ŋanti tin cáán binib kɔkɔ difiilee nyán mpaampiin pu. U-ŋantee di dàkà-ti tí fá ti-bimbikpitim nì duulnya doo nimitaataam, ŋyunti ŋun poon ti bí nee, tí ŋmā kí nīn ŋúb ti-ba, kí nīn bí deedee ki nóó Unimbɔti mmɔntiimin.

—Tiiti 2.11, 12

Dūmaan ni-landɔkɔi kí dūú tɔ yilpu wanti pu, kí taa dūú tɔ taapu yati pu.

—Kooloosi 3.2

Ní taa nīn néén duulnya nì tin u cááyee. Sii un di yaa néén duulnyee, aa ŋūn kí nīn néén Unimbɔti. Kun puee tin kɔkɔ bí duulnyan, ki sá a-bimbikpitim nīn là miŋyee, nì nnimitaataam, nì á nīn néén timɔn ki dàkà tigaajatee, tīn kɔkɔee kaa nyēén ti-Baa Unimbɔti cee, an nyēén duulnyan ní.

—Jaan 1 2.15, 16

Nimbi bin fá Unimbɔti kii kinimpulaakpaai nīn féén u-cal puee, naa nyí yii un néén duulnyee sá Unimbɔti pulinɔnti níiin? Sii un píi duulnya kubɔɔtiiuee kpánti Unimbɔti pulinɔnti dee.

—Jaaki 4.4

28 BÍ FÀTÌÍ MÀÀÌ UNIL MPÒN

Mín puee, ni yaa nyí yíi u sá deedeedaanee, béémaan yíi un sá kamaa yaa nóó deedeeyee, Unimbɔti di fātìi màl̄ udaan mpòm. Ti nyí yíi un sá kamaa Unimbɔti fātìi màl̄ mpómee kaa ñáán ikpiti, kun puee Unimbɔti Jipɔɔn mótí u-pu, Sitaan kaa ñūn kí ñá-u tiba.

—Jaan 1 2.29; 5.18

...Unimbɔti fùl̄-ni ki lēē ni-kpitii, ki gāntì-ni ki yóon ní nín sá u-yab. Ti-Dindaan Yeesu Kriisitoo nì Unimbɔti Fām puee ni kpántì deedeedambi.

—Koranti 1 6.11

Ní Yeesu kíi-u yíi: “Ibaamon ní m tükù-si, Unimbɔti yaa kaa fātìi màl̄ unil mpòm, u kpá kí ká Unimbɔti beel.”

—Jaan 3.3

Un nì Kriisitoo ñá ubaantee kpántì unipɔɔn dee, tin sá tikpikilee jítì, tipɔɔn di kínn ki bí.

—Koranti 2 5.17

Di sá yíi Unimbɔti un tìi dimanfal, ki bí jaanjaanee di tii-ni dimanfapɔndi. Dimanfal gbantee kaa nyánní ubaati un kúùyee cee, ama di nyánní Ubaati un kaa kúùyee cee ní.

—Piyeer 1 1.23

TI NYÁÑ IKPITI POON, 29 TI NÌ KRIISITOO FĪKITÌ

Dooooyee nì nín nèn yìntì ki ḡáán ikpiti inḡyee puee, nì nèn kpî Unimbòti nìmiin. Tì nì Kriisitoo nín ḡá ubaantee pu ní Unimbòti fikitì ti nì u, ki yāntì ti nì u kāl yilpu.

—Efeesi 2.1 nì 6

Ún Kriisitoo di fōō ti-kpitii ki ḡá u-ba pu ní ki fōō ti-kpitii tafadaaldi ndɔpuntikaa pu, an nín dàá ḡá pu tí nyā ikpiti poon kí nín kínn ki bí deedee maḡfal poonee. Bi nín ḡbánn-u u-wunti léetì puee di cāantì nì-weeni.

—Piyeer 1 2.24

Di sá yii Yeesu Kriisitoo yab dū bi-bimbikpitim nì tin mì néén ki lèe ki kpáá ndɔpuntikaa pu. Unimbòti Fām nín tīi-ti dimaḡfalee, tí yāntì u-Fāmee n kpòotì ti-bimbim mun. —Gaalaati 5.24, 25

Aayee, kpataaaa! Timbi bin kpî ikpiti jandi puee, mana ní ti gítì ḡūn kí nín bí ki ḡáán ikpiti? Mìn mbaantiim, nì nì Yeesu Kriisitoo nín ḡá ubaanti puee, nì mun n nín nyí yii nì kpî ikpiti jandi pu, ki kínn ki bí ki tīi Unimbòti.

—Room 6.2 nì 11

30 DIMANFAL DIN KAA CÁÁ DIKUNTILEE

“Kii Mooisi nín nèn lúntì kukoonaju ndo pu kupɔɔun binib kpèé ki pɔ́ókée, mín mbaantiim ní bi dàá dāá dū man Kinibiki kí lúntí yilpu, an nín dàá ɲá pu un sá kamaa yaa láā fōō-mi ki kííyee ú dāá ká mmanɣafɔkɔn ɲun kaa cáá dikuntilee.”

–Jaan 3.14, 15

Dimanɣal gbanti di sá bí bée sii un baba sá Unimbɔtibaamɔnee, kí bée Yeesu Kriisitoo un a túnnée mun.

–Jaan 17.3

Un yaa fōō u-Jipɔɔn gbanti ki kííyee kántí mmanɣafɔkɔn ɲun kaa cáá dikuntilee. Un yî kaa fōō-u ki kííyee kaa kántí dimanɣal gbanti. Unimbɔti ɲuul dàá nín péē dàñ udaan pu ní.

–Jaan 3.36

...Tin tin Unimbɔti pūn faalaayee di sá á ɲá ubaanti nì ti-Dindaan Yeesu Kriisitoo kí ká dimanɣal din kaa cáá dikuntilee.

–Room 6.23

“Ibaamɔn, ibaamɔn ní m tükù-ni, un yaa pílfi m-bɔti ki fōō un túnní-mee ki kííyee kántí dimanɣal din kaa cáá dikuntilee, udaan kaa dāa gítì bí ibɔsoon ni, u nyán ɲkúmin ki póotì dimanɣalin.”

–Jaan 5.24

NÍN CÁÁ DIMÁKAL YII 31

A KÁ DIFIIL

Ní Unimbɔti Fām mi-ba tükù ti-pɔbiling
poon yii ti sá Unimbɔti biyaamu.

—Room 8.16

Unimbɔti nín lɪ puee sèé yii, u tii-ti
dimaɲfal din kaa cáá dikuntilee. Dimaɲfal
gbanti bí u-Jipɔɔn cee ní. Un yaa fōō
u-Jipɔɔnee cáá dimaɲfal, un yaa kaa fōō
u-Jipɔɔnee kaa cáá dimaɲfal. Nimbi bin
fōō Unimbɔti Jipɔɔn ki kíiyee m ɲmàñ-ni
tin bí nee ní béé yii ni cáá dimaɲfal din
kaa cáá dikuntilee.

—Jaan 1 5.11-13

“Un yaa cáá man marab ki ɲúb-bee,
udaanee di néeñ-mi. Mìn ní m-baa dàá nín
néeñ un néeñ-mee, man mun ń nín néeñ-u,
ní kí nyántí m-ba kí dàkà udaan.”

—Jaan 14.21

Kun dàkà yii ni lafun sá u-biyaamuee di
sá Unimbɔti túnní u-Jipɔɔn Fām ti-pɔbilingin,
mìn di yì-tì ti yû-u yii: “Ti-Baa.”

—Gaalaati 4.6

Kun di yì-tì ti béè yii ti bí Unimbɔtin, ú
mun bí ti-nee, di sá u-Fām min u tii-tee
pu.

—Jaan 1 4.13

Ti yaa kpáafí Unimbɔti marabee, niinee
ní ti béetí yii ti nyí-u.

—Jaan 1 2.3

32 KRIISITOO YAA BÍ A-PƆBILINEE DI CĀABÌN DIPƆƆPINDI

**Kɔŋkɔnnɛ, m dɔɔn a-ɛɛ, m nɪn dǎǎ bɪ
duulnyan ki sɔɔn tin nɛɛ, an sǎ kɪ ŋmǎ kɪ
yǎntɪ bɪ kǎ dipɔɔpindi, man pɔɔpimmɔntiil.**

–Jaan 17.13

**...M dǎǎ dǎǎ fǎtiɪ gɪti kǎ-ni nɪ nɪ
pɔbiling ɲ piil. Bǎǎ ubɔ kaa dǎǎ ŋɔn kɪ
lɛɛ ni-pɔɔpindi gbanti.**

–Jaan 16.22

**Di sǎ yii Unimbɔti beel kaa sǎ tijikaal nɪ
tinyɔkaal bɔti, an sǎ deɛɛɛ nɪ nsɔŋfi nɪ
dipɔɔpindi din u-Fǎm tɪyɛɛ nɪ.**

–Room 14.17

**M nɪn bɪ nɛɛ, kaa ti sǎ man di bɪ, Kriisitoo
di bɪ m-ni. M nɪn bɪ dimaŋfalinee, Unimbɔti
Jipɔɔn nɪ m fɔɔ ki kɪi, ɔn di nɛɛn-mi ki dɔ
u-ba ki tiɪ man pu.**

–Gaalaati 2.20

**“M sɔɔn nɪ nɪ tin bɪ nɛɛ an nɪn dǎǎ ŋǎ pu
m-pɔɔpindi ɲ nɪn bɪ ni-ni, nɪ ni-pɔbiling ɲ
mɔtiɪ gɪti piilee.**

–Jaan 15.11

**Yeesu Kriisitoo gbantɛɛ naa kǎ-u nɪ
ni-nimiling ama ni nɛɛn-u. Ni fɔɔ-u ki kɪi
kaa wǎl-u, ki fǎal nɪ dipɔɔpingkpaandi din
baa ŋɔn kɪ mǎafɛɛ.**

–Piyeer 1 1.8

AN PÁB YII TÍ NĪN TÓ 33

TI-DINDAAN NĪN SÒŌN TĪNYEE

Naa nyí yii a yaa sĭntiĭn a-ba taapu kĭ tĭi unil kĭ tŭn u-tundee, a kpánti uyumbu ní kĭ tĭi udaan un a sĭntiĭn a-ba kĭ tĭiyeeee? A ŋŭn kĭ sĭntiĭn a-ba kĭ tĭi ikpiti in dàá cáá-si ŋkúminee, kĭ tí ŋŭn kĭ sĭntiĭn a-ba kĭ nĭn tó Unimbŏti kĭ kpánti deedeedaan.

—Room 6.16

Ní kĭ kàaĭ nimbi bin jĭn falaayee nĭ timbi nsŏŋfin ŋyunti ŋun ti-Dindaan Yeesu yaa láa nyánni yilpu nĭ u-tŭuni ipŏndambee. U dàá dāaĭ nĭ ŋŋmi kĭ dáal bin kaa nyí Unimbŏti, kaa fŏo ti-Dindaan Yeesu bŏmŏntiitee tafaliŋ. Bi-tafadaaldi di dāa sá bí nàaĭ-bi kĭ nĭn cá jaanjaan bí taa nĭn dàbiĭn ti-Dindaan nĭ u-nyooti nĭ u-pŏŋŋu.

—Teesaalooniiki 2 1.7-9

Kaa sá bin pĭlfí marabee di sá deedeedambi Unimbŏti nimiin, an sá bin bin ŋáaĭ marabee nĭn lĭ puee, bĭn ní bi dāa yĭi deedeedambi.

—Room 2.13

Bin fĭnti bi-bŏkutiŋ ŋaa cáá tijŏkŏndi, kĭ máaĭ kĭ ŋmó dimaŋfal subil, kĭ dàá di mpunyŏmu kĭ kó kitĭŋinee bí mmon ni.

—Dileedakal 22.14

34 AN PÁB Á SÒÒN KUNIPAAUN YII YEESU SÁ A-FIILIU

**Ní báà ŋma kòkò n lè nì u-nyòkòn yii
Yeesu Kriisitoo di sá ti-Dindaan, ní ti-baa
Unimbòti n ká tinyool. –Fiiliipi 2.11**

**Un kamaa yaa li binib nimiin yii u sá
man yòuee, man mun dāa lè m-Baa un bí
yilpuee nimiin yii u sá m-yòu ní. Ama un
di yaa nēe binib nimiin yii waa nyí-mee,
man mun dàá nēe m-Baa un bí yilpuee
nimiin yii maa nyí-u. –Maatiu 10.32, 33**

**Sii un di yaa lè nì ibaamòn yii Yeesu sá
Unimbòti Jipòonee, Unimbòti bí a-ni ní si
mun bí Unimbòtin. –Jaan 1 4.15**

**A yaa li binib cee yii Yeesu sá a-Dindaan
ki yaa fōō ki kíí a-pòbilin yii Unimbòti
fikiti-u ditankpiilinee, a dàá ká difiil. Di sá
yii un kamaa yaa fōō Yeesu ki kíí u-pòbil
poonee, kpántí deedeedaan u-nimiin, ní
un yaa li u-nyòkòn yii u fōō-u ki kííyee,
udaan kántí difiil. –Room 10.9, 10**

**Un di yaa kaa là Unimbòti Jipòon Yeesuee,
kaa fōō u-Baa mun dee, ama un di yaa li
binib nimiin yii Yeesu sá Ubaati Jipòonee
fōō Ubaati u-ba mun dee. –Jaan 1 2.23**

TI-NANNANLIU UKPAAN DI SÁ SITAAN

35

Ní kítí ni-ba kí nín nyìn ni-ba, kun puee ni-nannanliu Sitaan bí kí yììn kii gbikinti nimiliŋ nín màn pu u nyàab̄ kun, u yaa péē kée ú cúú kí ŋmóee ní....Ní ɲúb ni-ba ni-fookiiu poon, kí yíí Sitaan....

—Piyeer 1 5.8, 9

Boonee ní Unimbɔti Fām cáá Yeesu kí cūnnì kupɔɔun Sitaan á cōŋkì-u. Niinee Yeesu bí-u yii: “Sitaan, sùtí niin kí wàati-mi! Kun puee an ŋmāñ Unimbɔti takaldau poon yii: ‘Ti-Dindaan a-Nimbɔtiu baba ní an sá á jāam̄, kí nín bí ún̄ baba tundin.’” Ní Sitaan cāntì-u ní Unimbɔti tūuni dómiñ u-cee kí tīi-u tijin.

—Maatiu 4.1 nì 10, 11

Tibɔjoolkaal tin m dàá dūú kàañ-nee sèè: ní fōōmaan ti-Dindaan pɔŋkpaaŋɲu kí pōkì. Ní dū tijanjawan tin kòkò Unimbɔti tìiyee kí pèēñ kí ŋmā kí sīl deedee nyunti ɲun Sitaan yaa yíkìñ ni-pu nì u-kiiltamee.

—Efeesi 6.10, 11

...U [Sitaan] péē sá unikpɔl doooo ŋkilkaamin ní. Waa sí ibaam̄n ni kun puee waa cáá ibaam̄n u-ni. ...U sá unyim̄ndaan, ún̄ di sá inyim̄n na nì i-baa.

—Jaan 8.44

Mbiyaamu gbantee nín sá binib tiwun nì fatiku puee ní Yeesu gíiñ u-ba tiwun nì fatiku kii bín nín bí puee. U ḡá mín kí ḡmā kí kpú, u-kúmee ṅ nàañ Sitaan un ḡúb ḡkúm pṅḡuee. —Eebru 2.14

Ama un yaa ḡáañ ikpítee sá Sitaan yṅu, kun puee Sitaan péē sá ikpitidaan ní, doooo ḡkilkaamin. An pu ní Unimbṅti Jipṅṅn dómiñ ki kpìtì Sitaan tuḡḡi. —Jaan 1 3.8

Dineendi din Kriisítoó cáá ti-puee, tiba ḡṅn kí yàkati ti-kansikinaaan? Falaa di ḡṅn kí yàkati-taaa, diniminaamandaaa, disaandaaa, ḡkùmaaan, disoolaaa, mbusaaa, ḡkúm? Tíñ kṅkṅ poonee, un néén-tee tútuñ-ti ti jáà ki jín ki kúntí tikṅkṅ. —Room 8.35 nì 37

Mín puee, sìntímaan ni-ba taapu kí tii Unimbṅti, kí já nì Sitaan, see ú sàñ kí wàati-ni. Sútímaan kí pìl Unimbṅti, ní ú mun ṅ sùtíñ kí pìl-ni.... —Jaaki 4.7, 8

ḡyunti nee ní Unimbṅti dàá sòòn duulnya bṅti, ní kí já duulnya bṅtiu Sitaan. —Jaan 12.31

DINEENDI DI SÁ UN NÓÓ 37

YEESUEE BIMBIM

Báà m yaa sòòn isooncaan, binib ní itūun sooni, ní kaa cáá dineendee, tin m sòònee sá fam ní kii dawula àá diwanjikilindi nín sūn pu fam an kaa cáá taapuee ní.

—Koranti 1 13.1

Ama, dibil din Unimboti Fām yànti unil n lònèe di sá dineendi, dipɔɔpindi, ŋgbansɔŋfi, kimotii, á nín sūn binib saai, kí nín ŋáán tiŋan, kí nín bí deedee, kí nín mō, kí ŋúb a-ba....

—Gaalaati 5.22, 23

“Ni yaa néeń-mee, nín ŋúbmaan m-marab.”

—Jaan 14.15

Ubo yaa bí yii: u néeń Unimboti, ní ki yaa ná u-nabikee, udaan sá unyimɔndaan. A yaa kaa néeń a-nabiki kin a wālee, a dàá ŋá mana ní kí nín néeń Unimboti un saa wālee?

—Jaan 1 4.20

“Ni yaa néeń tɔbee, niin di dàá dàkà báa ŋma yii ni lafun sá m-boonnooliibi.”

—Jaan 13.35

Ti nyí yii ti nyán ŋkúmin ki póotì dimanfalín kun puee ti néeń ti-nabiyaamu; un yaa kaa néeń u-nabikee dáá gbíntì bí ŋkúmin.

—Jaan 1 3.14

38 YEESU KRIISITOO FIKITITAM

Yeesu nín fikitì kinyɔŋ wimpeepeekaŋuee, Maarii Magdala yɔu un ní u nín jìñ arasiniibi bilulee ní u yaǎntì u péé ki ká-u. -Maarki 16.9

Timbi kántì tin kòkò u ɲáaŋ Juuda yab tiŋkin ki kpáaŋ Jeerusaleemee mun. Ùn ní bi kpáá ndɔ pu, ki kũũ-u. Ama Unimbɔti fikitì-u winta dal, ki yǎntì bi ká-u. An kaa sá samaa kòkò di ká-u, asee Unimbɔti nín nín péē lēē timbi bin bin ń ká-uee. Di sá u nín nín fikitì ditaŋkpiilinee, boonee, ti nì u di jín ki nyuñ. -Atuun 10.39-41

Iwiin inii boonee, Yeesu boonnooliibi fātii kpáfì dibɔɔbaantiilee ni, Toomasi mun nín bí yaadal. Bi dū mpunyɔmu ki piìŋ ki kpāl, ama ní Yeesu cílín bi-kansikin, ní ki bí-bi yii: “Ni-pɔbiling ń nín sò m!” Ní u bí Toomasi yii: “Dǎá kpèè m-ɲalii, kí cáaŋ a-ɲambiki kí máaŋ! Cáaŋ a-ɲal kí máaŋ m-takakal, kí fōō kí kíí, kí taa nín gítì kpākantí!” Niinee ní Toomasi ń bí-u yii: “M-Dindaan, m-Nimbɔtiu!” -Jaan 20.26-28

TI CÁÁ DIMÁKAKPAANDI YII 39

TI LÁÁ DĀÁ FÌKITĪ DITAŊKPIILIN

“Án taa bàkatì-ni, kun puee nyunti ɲubo dòn ɲun ni bin kòkò dō akaakul poonee dàá dāá gbìl u-neen pu kí nyānnée, bin yaa ɲá tiɲanee n fikitì kí ká dimaɲfal, ní bin yaa ɲá ikpítee n fikitì kí kó ibosoon ni.”

—Jaan 5.28, 29

Naa nyí yii, timbi bin kòkò bi fùl Unimbòti nyim ti ɲá ubaanti nì Yeesu Kriisitooyee, ti kpáfì ki kpî u-kúm min u kpîyee níin? Kii bi nín fùl-ti Unimbòti nyim puee, bi síb-ti tí nín bí ɲkúmin nì Yeesu dee, ní kii ti-Baa Unimbòti nín dū u-pɔŋkpaanɲu ki fikitì Yeesu Kriisitoo ditaŋkpiilin ki fātii giìnní-u dimaɲfalin puee, mimmee, ti nì u kòkò di kìn ki bí dimaɲfapòndin.

—Room 6.3, 4

Kriisitoo yaa bí a-ni, nì min kòkò ikpiti puee a-wunti dàá kpúee, Unimbòti Fām dàá tii-si mmaɲfafòkɔn kun puee a bí deedee. Unimbòti un fikitì Yeesu Kriisitoo ditaŋkpiilinee Fām yaa kóò a-nee, Unimbòti gbanti un fikitì Kriisitoo ditaŋkpiilinee dàá dāá yànti u-Fām min kóò a-nee n tii a-wunti tin kùyyee dimaɲfal.

—Room 8.10, 11

40 TÍ NĪN BÍ CIRCIR UNIMBŌTI NIMIIN

...Kun puee u gíìnní u-landòkòṅu u-niboolii pu kí fīi-bi kí líi. U dàá nyāntí-ti ti-nannanliibi ṅaan, tí ṅmā kí nŏó-u kí taa fàṅkì, kí nīn bí circir nì deedee u-nimiin ali ti-kúm dal.

—Luuki 1.68 nì 74, 75

Nnabiyaamu, an nín sá yīi timbi ní Unimbŏti pŏon apoon gbantee, tí fámaan atunkpiti ṅin kòkò bííl tiwun nì kinaṅee, kí fàṅkì Unimbŏti kí nyāntí ti-pòbiling poon tikpiil kòkò kí nīn bí circir. —Koranti 2 7.1

Unimbŏti nín là kunyee di sá ní nīn bí circir kí nīn ṅúb ni-ba kí taa ṅá tilaakpaal. Ni-kansikin báà ṅma nimpucaatam nín sá circir kí cáá tinyool. Kun puee Unimbŏti kaa yīín-ti tí dāá nīn bí tijòkòndi poon, ama u yīín-ti tí dāá nīn sá circirdambi ní.

—Teesaalooniiki 1 4.3, 4 ní 7

“Ní nīn bí circir ni-bimbim kòkò poon kii Unimbŏti un yīín-nee nín bí circir puee. Ali kii Unimbŏti nín lí u-takaldau poon puee yīi: “Níñ bímaan circir kun puee man bí circir ní.”

—Piyeer 1 1.15, 16

TÍ NĪN BÍ CIRCIR UNIMBŌTI 41

NIMIIN

Di sá yii, kí wàati Unimbŏti n náan duulnyee, u péē lútì-ti ki yóon tí nīn sá u-yab, ti nì Kriisitoo n ḡa ubaanti, tí nīn bí circir, ú taa ká ti-pu ikpiti iba. Ní nīn nŏómaan mbimbipom min Unimbŏti náan ki nántiḡ u-yam min sá deedee nì circir ki nyánní ibaamon nee.

—Efeesi 1.4; 4.24

Ti yaa biiti ti-kpitii pu, Unimbŏti sá deedeedaan ki cáá ibaamon ki dàá dū ti-kpitii kí pō-ti, kí fíntí tin kŏkŏwoooo bí ti-pŏbiliḡin kaa ḡāñee, tí nīn bí circir.

—Jaan 1 1.9

Kii tiwan kŏkŏ nīn dàá dāá kúntí minyee puee, ni máan kí béé ni nīn dàá bŏntí ni-ba pu kí nīn cáá mbimbimontiim kí mŏtíi nīn tó Unimbŏti mmontiimee.

—Piyeer 2 3.11

Ní pŏon ni-ba ḡgbansŏḡfi n nīn bí ni nì báà ḡma kansikin, kí nīn bímaan circir. Kun puee un yaa kaa bí circiree kpá kí ká ti-Dindaan.

—Eebru 12.14

42 BINIB BIN GBÍ UNIMBŌTI CIRCIR FĀMEE

**“Too, nimbi bin sá binikpitibee yaa nyí ki
tìi ni-biyaamu tiwammontiil, kin ataa aṇa
pu ní Ubaati un bí yilpuee kaa nín tìi Circir
Fām bin kòkò yaa mèé-u Ịfām gbantee?”**

–Luuki 11.13

**Bi mēē ki dóòyee, dibòbilin niinee kitiṇ
cīṇkì, ní Unimbōti Fām gbí bi-kòkò mmòn-
tiim, ní bi kíí ki bīi sòòn Unimbōti bōti, kaa
fàṇkí.**

–Atuun 4.31

**Ama nimbee, nimbi kaa nóó ni-bimbikpitim
nín là puee, mín mín Unimbōti Fām lèe, mín
ní ni nóó, kun puee u-Fām kóò ni-ni. Un yaa
kaa cáá Kriisitoo Fāmee, kaa sá u-yòu.**

–Room 8.9

**Ama Unimbōti Fām dàá kpákatiń ni-pu kí
tīi-ni mpòn ṇubò, mín boonee, ni dàá lēē
m-pu seera....**

–Atuun 1.8

**Ama bin nìn fōō Yeesu ki kíí Antiyòsi
tiṇkinee nìn gbí dipòpīṇkpaandi nì Circir
Fām.**

–Atuun 13.52

**Ní taa nín nyù idafi ki gbéè, kun puee an
di bííl unil, ama ní nìn gbéèmaan Unimbōti
Fām.**

–Efeesi 5.18

DIPOOMMONTIIL DIN BÍ KI 43

TĪI KRIISITOO YABEE

Ní Yeesu fātii kíí-u yii: “A bí yii m yaa ṅūṇaa! An kò pòfì ki tīi un un fōō ki kííyee.”
—Maarki 9.23

Nnabiyaamu, án taa ṅá-ni maamaaci icṅkikpaan in poon ni bí nee kii an sá-ni tibocanee. An yaa sá yii ní jī falaa un Kriisitoo jínee ní nín fàalmaan, an nín dàá ṅá pu daliṅkin u dàá dàkà u-nyootee, yaadalee ní ni dāa kántí dipṅṅkpaandi.
—Piyeer 1 4.12, 13

“Ún di dàá dāá pítí bi-nyinnyim kòkò, ṅkúm dāa gítí kpá, diniminaamandi nì ibiil nì iyalṅki dāa gítí kpá, kun puee duulnyakpiki kpáàn tìn kòkò ki jítì.”
—Dileedakal 21.4

Péé kí nyáabmaan Unimbṅti beel nì deedee un u bàlfī-ni yii ní nín bée, ní Unimbṅti n dū tin kíṇee kí kūtì-ni. —Maatiu 6.33

“...Ní nín nyí yii m bí ni-cee baabadal ali duulnya kúntitam.” —Maatiu 28.20

44 DIPOONDI DIN DŌ KI CÍ BIN KÓ ICŌŊKINEE

**U nín jín falaa icŋki poon ki kée di yì-tì
ní u ṇūn ki jòon bin bí icŋkinee.**

—Eebru 2.18

**An kaa làá yúntí, Unimbŋti un tìi nsŋfee
dàá yànti ní tǎa kí mǎtí Sitaan....**

—Room 16.20

**Icŋki in bàń ni-puee péē ṇmǎnti unil
pŋṇu nyŋkŋm ní, kun puee Unimbŋti yaa
pŋŋn puee see ú ṇǎ mín, waa kíikí tin
lákatìi ni-pŋṇu puee n bàń-ni, di sǎ
ṇyunti ṇun ní icŋki yaa bǎań-nee, u dàá
tīi-ni mŋŋn ní ṇmǎ kí ṇmèè, ní kí dàkà-ni
nsan ní dī kí nyā.**

—Kŋranti 1 10.13

**Ní ti nyí yii tin kŋkŋ péē bàń bin néen
Unimbŋtee, Unimbŋti cáā kpántí tījan ní
ki tīi-bi. Bín ní u bŋnti ki lēē ki sīiń yii bí
nīn sǎ u-yab.**

—Room 8.28

**Kun puee timbi saraaṇakpiliuee sǎ un
nyí ti-wŋfii ki sūn ti-saayee; di sǎ u gīiń
u-ba kii timbee ní, nniyaamin, ní ki bée
iwŋsŋfi, ní Sitaan cŋṇkì-u ama waa líti
ikpitin.**

—Eebru 4.15

DIPOONDI DIN DŌ KI CÍ 45 BIN JÁN KI JÍNEE

“Un yaa jáń ki jínee ní m dàá tīi tiwammontiil gbanti ní ki dāa sá u-Nimbōtiu, ní ún dāa sá man biki.” –Dileedakal 21.7

Mín ní un yaa jáń ki jínee dāa pèenti abokutipiin kánkan, maa làá dàá gítì kpìti udaan yindi dimanjfal takaldau poon, ama m dàá dāá lì m-Baa nì u-tūuni kòkò nimiin yii man di yì-u. –Dileedakal 3.5

Un yaa jáń ki jínee, m dàá yàntì ú dāāń kí kāl kí kól-mi m-beelin, kii ma mun nín jáń ki jín pu ki dómiń ki kāl m-Baa beelin ki kól-u puee. –Dileedakal 3.21

“Un yaa cáá ditafalee n pīlfì Unimbōti Fām nín bīi sòon nì Kriisitoo nikitiŋ puee. “Un yaa jáń ki jínee, m dàá tīi-u dimanjfal subu bun yú Unimbōti kpaabunee bil ú ŋmó.” –Dileedakal 2.7

Un di yaa jáń ki jín ki gbíntì ki nìkì ki ŋáań min fáatì-mee ki tin kátì-kuee, m dàá yàntì ú jì dibeel atimbun pu. –Dileedakal 2.26

46 UNIMBOTI SÒOÑ NÌ-TI YII UNINJA NÌ UNIMPU N TAA YÀKATÌ

Nimbi binimpoobidambi ní m tìì mara nee, (ti-Dindaan di yóòn mara gbanti, kaa sá man) yii: Unimpu n taa yìkì u-cal cee. U yaa tí cāntì u-calaaa, ú nīn kā mīn kí taa mōn ubo, àá u nì u-cal n ṅāṅkì bi-kansikin ú fàtìí gítìí-u. Mīn mbaantiim, uninja mun n taa jà u-nimpuu. Unimpu un mōnee máaṅ kí nīn péē náká u-cal ní bí nīn bí iyunti kòkò. Ama u-cal yaa kpīyee, u tó u-ba kí mōn un u yaa lèe. Ama un fōō Yeesu ki kíiyee ní an sá ú fàtìí mōn.

—Koranti 1 7.10, 11 nì 39

“Un kamaa yaa jīn u-nimpuu ní ki fātìi cáá upōnee, udaan ṅá tilaakpaal Unimbōti nīmiin, ní un cáá unimpu un u-cal jīnee mun ṅá tilaakpaal Unimbōti nīmiin.”

—Luuki 16.18

“Ama man tükù-ni yii: Sii un kamaa nimpuu yaa kaa nyán a-boon ní a yaa jīn-uee, a dū-u ki sīn tilaakpaal saṅṅu pu dee. Ní un mun yaa cáá unimpu un bi jīnee mun ṅá tilaakpaal.”

—Maatiu 5.32

YEESU KRIISITOO NÍN DÀÁ 47

FÀTÍÍ GÍTÍN PUEE

“M yaa cū̀tì ki bóntì ipaan gbantee, ní m gítín kí yòoñ-ni, an nín dàá ɲá pu laakin m dàá nín bée, ni mun ń nín bí m-cee niinee.”

–Jaan 14.3

Niinee ní man Kinibiki daan̄ku ń nyā kí páanní kutagboɲu pu, ní duulnya timbuliɲ kəkə ń dāa fōō itiminsi, ní kí ká man Kinibiki ń páanní yilpu atagban ni nì mpon nì tinyool.

–Maatiu 24.30

“Un kamaa yaa cáá icoo man nì m-boti pu waanee nib bin nyēē Unimboti boon ki ɲaañ ikpatee kansikinee, nyunti ɲun m yaa láā gítín m-baa nyootin nì u-tūuníee man Kinibiki dàá dāá kón udaan icoo.”

–Maarki 8.38

“Mín mbaantiim, ni mun ń bóntí kí nín címaan, kun puee man Kinibiki dàá bàn nyunti ɲun naa bàà dàkafēe ní.”

–Luuki 12.40

Man Kinibiki dàá dāān nì m-Baa Unimboti nyooti, ní m-tūuni dāa nóó-mi, ní m dāá pà báà ɲma nì u-tundi nín sá puee.

–Maatiu 16.27

48 UNIMBOTI TAKALDAU POON BOTI

Kun puee tin kòkò Unimbòti bònàatiliibi lēe, tiba nì tiba kaa nyánní bi-làtamin, ama an sá Unimbòti Fām di kpòotì-bi, ní bi fōō Unimbòti paan̄u ki sòon̄ u-bòti.

–Piyeer 2 1.21

Unimbòti di yāntì bi n̄mān tibòti gbanti kòkò ki sá bí dūú dàkà binib n̄ bée ibaam̄on, kí dàkà unil yìntitam, kí kpòotì-u, kí dàkà unil n̄ bée deedee bimbim.

–Tiimootee 2 3.16

NÍN MÈÉ KÍ NÍN PŪN A-JUTIIBI NÍN YĪNTÌ-SI PUEE

“Nín mèémaan yii: ‘Ti-Baa un bí yilpuee, yàntì bí bée yii a sá Unimbòti circirdaan, kí yàntì a-beel n̄ dāān, bí n̄á a nín là puee taapu doo kii bi nín n̄áān yilpu puee, kí pō-ti dín jikaati. Kí dū ti-kpitii in ti yīntì-see kí pō-ti kii ti mun nín cáá bin yīntì-tee kpitii ki pūn-bi puee. Kí taa pō mpaan Sitaan n̄ kiil-ti, ama á nyāntí-ti u-ŋaan. [Kun puee sii di yì dibeel nì mpon nì tinyool kí nín cá jaanjaan. Ameen’.]”

–Maatiu 6.9-13

UNIMBŌTI NÍN DÌ PU KÍ FĪ UNILEE

An páb ki tīi-mi m ká ufiil.

Kun puee báà ŋma ná ikpiti ki dátì
Unimbŏti nyooti. —Room 3.23

M-kpitii pu ní Kriisitoo kpî.

Di sá mín ní Kriisitoo u-ba mun kpî
binib kpitii pu. U kpî dibaba ja ní, binib
kpitii pu, ùn un bí deedeeyee kpî bin kaa
bí deedeeyee pu.... —Piyeer 1 3.18

An páb ki tīi-mi m fá m-kpitii.

Mín puee, fámaan ni-kpitii kí gítímaan
Unimbŏti cee kí wàati ní ú kpìti ni-kpitii
kòkò. —Atuun 3.19

See m fōō Kriisitoo ki kīí.

Ama bin kòkò fōō-u ki gbìl ki tīi-uee, u
yāntì bidambi kpántì Unimbŏti biyaamu.
—Jaan 1.12

M ŋūn kí nīn cáá dimákal yii m ká difiil.

Dimanfal gbanti bí u-Jipŏn cee ní. Un
yaa fōō u-Jipŏnee cáá dimanfal....
—Jaan 1 5.12

“Ibaamŏn, ibaamŏn ní m tükù-ni, un yaa
pílfi m-bŏti ki fōō un túní-mee ki kííyee
kāntí dimanfal din kaa cáá dikuntilee,
udaan kaa dāa gítí bí ibŏsoon ni, u nyán
ŋkúmin ki póotì dimanfalín.” —Jaan 5.24

Published in numerous languages by World Missionary Press, Inc., as God supplies funds in answer to prayer. **For questions or more information by country, visit: www.wmp-contacts.org**

Watson Goodman dí ηmàñ
kitakaldabiki nee

Ki sá faalaa ní, baa nyáfí-ki

